

doctores, die damals egllicher maß mit der Newen Secten vorgieffiget angezeigt synt wurden *), sich nicht vil gebessert soltten habenn Darauff wir die selbten eynen Ißlichen sunderlich verhoret vnd befraget, Vnd wie wol wir eglliche dar vnder wangtmutig befunden, so synt sie doch auf vnser vnd e l verordneten vleyßig vnd gutige vormahnung auch ernstliche erInnerung erbottig gewesen von solchen yren yrtümern vnd was sie mit lection vnd andern biß here vnbillichs furgenommen hetten, ganz abzustellen, Vnd sich e l vnd vnserß gebotßes vnd geschäftes zu haltten erbottig gewesen, Sunderlich haben wir Mgro Cristophero Hegendorff, denn wir etwas hefftig In seynem furnehmen vermerckt, vil handels vnd muhe gehabt, doch endlich ynen dabyn geweyset das er sich hinfur lutherischer vnd Melanctonischer auch des anhanges schriefft vnd libell zu lesen vnd zu practicirn abgesaget, sich des ganzlich ewßern vnd zuenthaltten, Ist auch vor guth angesehen seyne Collectanea zu Handen zu brengen, die der facultet Theologorum zu Examiniren vberzugeben, Wie dann e, l, aus dem zugegeben doctorj Breythenbach ferrer bericht entphaben werden

Wir haben auch aus beyden Clostern Prior vnd Swardian erfordern lassen vnns bey ynen zuerkunden gelegenheyt gemeynen volkes; ap es auch mit diesen Rawen yrrischen vnd aufrührichen yrtumen vermaekelt, dar auf sie vns so vil bericht gegeben, das wir zu frieden gestanden, vnd zuhoren gefrawet, Allein ist vnns von der parfusen angezeigt, das do eyn verlewffen Monich Sattler handt wergs sollte eyne Jungfrawen vmb eyn ehelich gelebnis ansprechen, Dar gegen e l zugeordenthe zutrachtten sich erbothen

Es ist auch eyn Erbar Radt von leypßk vor vnns erschienen vnd auf vnser gesynnen, ap sie etwas der Newen Secthalben strefflichs In der Stadt vnd bey den yren wußten vnns des anzeigung zu thuen, Denn wir gehoret het-

*) Dieß erläutert Fröschel, der in der an die Stadt Leipzig gerichteten Deditationsvorrede zu seinem Buch Vom Königreich Christi Ihesu, Witteberg. 1566. sagt: „Hernach nach dieser Disputation sind auch die jungen Magistri etwas künner worde, vnd haben auch angefangen zu lesen in Theologia, die weil sich die alten Theologi so verdrossen gemacht haben, Einer hat angefangen Mattheum zu lesen, als M. Camitianus, der ander Marcum, als M. Neuschius, der dritte Lucam, als M. Hegendorfinus, vnd haben gelesen, was sie von Witteberg hinnüber bekommen haben. Dominus Mosellanus las aber Paulum ad Romanos, (Seckend. I, p. 90.) vnd ließe sich niemand erschrecken, Aber die andern drey lasen so lange Theologiam, bis Herzog Georg das arme Fröschlein gefangen nam, aber nur einen halben tag, nicht gar einen ganzen tag. Da erschroden diese drey künne Helden so sehr, das sie studium Theologiae faren ließen, die weil es solchen Lohn gebe, Vnd gaben sich zum studio Juris vnd Medicinae, die lohneten besser, denn studium Theologicum. Aber das Fröschlein lies Herzog Georg bald wider hüpfen, vnd hüpfet noch, mit Gottes hülfte, der gebe lenger mit gnaden, vmb seines lieben Sons willen Ihesu Christi, Amen.

ten das eglliche lewthe da seyn soltten, die mit der luterischen Secten begrieffen, Es soltten auch ettliche winkel predige vnd conventickel gehalten werden, Dar auf vns von yne dieser bericht bescheen, das sie so vil an ynen die lutherische yrtthumb lere vnd faction mit allem vleis gerne furkohnen wolten, als sie denn mit ettlichen personen, die sie vmb yre vbertretung vnns zugeschickt sich erzeiget hetten, Es were auch Ist noch eyn Inwohner aldo eyn bewthler der auch mit entphaung des heyligen Sacraments den gebrauch der heyligen kirchen vbergangen, Vnd sich nicht anders dann vnder beyder gestalt hatt wollen berichten lassen dem sie gebotthen hetten zwuschen hie vnd pfingstenn sich dem gemeynen gebrauch zuuergleichen, ader wu nicht, als dann die Stadt zurehmen vnd zu meyden Sie wollen sich auch der Conuentickel zuerkündenn vleyßigen, vnd wu die befunden mit gebührliche straffe nicht vbergehenn

Zum lezten haben wir auf angeben des Ern probstes zu Sanct Thomas eynen burger zu leypßk Anthonius Bucke gnant erfordern lassen von dem sich der probst auch In seynen gegenwertigkeit beswerlich beclagt das er mit ettlichen seynen brüderenn vil rede vnd gemeynschafft pslege zu haben, vnd habe es gewyßlich dafür, das er ynen was er Inn der Stadt hore zutrage vnd wyderumb von ynen In die stadt, vnd werden also die selbten seyne brudere da durch In ungehorsam vnd leichtfertigkeit gefuhret, Vnd wiewol der selbige burger des er beswere truge In abrede vnd lewoken gestanden So bedüncket vnns doch das auf ynen achtung zugeben sey, Dann wir auch ane das solch geruchte von yme vormals gehoret habenn

Es solle auch eyn Monich von der Zelle In dem Collegio Bernhardj seyn zu deme sich als wir bericht Die Lüttherischen haltten, daraus zubesorgen, wu man nicht seyner eyn aufsehen haben wurdet, das mit der zeyt argernis dar aus erwachsen mocht, Was auch weyther zu leypßk durch vnns hir Inne gehandelt, werden e l von doctor Breythenbach ferrer vnderricht entphahenn

Es ist vnns auch vormeldung gescheen, als solt Doctor Kwerbach dieser faction vnd luterischen Secten anzuhangen etwas verdecktig seyn, In deme das die Lüttherischen mit yme mehr dann mit andern vormerckt seyn gemeynschafft zuhaben, Wu sichs der masse also hielde were wol vermutlich das In ansehung eynes solchen person wu das nicht verkohnen, wol ergernis dar aus erwachsen mocht, als dann e l des weyther bericht von doctor Breythenbach vernehmen, Vnd sich dar Inne gegen yme wol werden zuhaltten wußten, Vnd ap wir vor vnser person auch etwas weyther dar zu thuen soltten, soll an vnns keyn mangel gespühret werdenn

Notiz. Wenig bekannt scheint der erste Professor der griechischen Sprache zu Leipzig, Claricius aus Bologna, welchen Herzog Albrecht anstellte. Er schrieb eine griechische Grammatik in Versen. Die betreffende Stelle, die seiner erwähnt, steht in einer Schrift des Cellarius, Löscher Reformationssacta III, p. 786 ff.

Its.